

KLIMA BOSNE I HERCEGOVINE

Poslao GORAN - 18.03.08 17:05

Evo kratko opis klime BiH, ako netko ima još koji sličan tekst na ovu temu nebi bilo loše da okaži ovdje.:

Klima Bosne i Hercegovine:

Klimu Bosne i Hercegovine uvjetuju osnovni klimatski faktori: geografski položaj, geološka podloga, reljef, pokrivenost terena biljnim zajednicama i blizina Mediterana. Pored osnovnih faktora javljaju se i ekstremni faktori koji u znatnoj mjeri utiču na cjelokupnu klimatsku sliku Bosne i Hercegovine. U prvom redu tu su struje subtropskog pojasa, visokog vazdušnog pritiska i subpolarnog pojasa, niskog vazdušnog pritiska, što ima za posljedicu smjenu polarnih i tropskih vazdušnih masa. Zatim dolaze vazdušne mase polarnog porijekla, struje sa Atlantika, cikloni sa Sredozemnog i Jadranskog mora i anticikloni koji dolaze i iz kontinentalnog dijela Azije. Sve ove cirkulaciono-radiacione procese u velikoj mjeri remeti reljef koji se javlja kao modifikator. Navedeni faktori su uzrok da na teritoriji Bosne i Hercegovine postoje dva osnovna klimatska regiona: sjeverni i južni, koje razdvaja linija Bihać-Sarajevo-Foča. U sjevernom regionu klima ima kontinentalni karakter, sa hladnim zimama i toplim ljetima. U južnom regionu prevladuje mediteranski tip klime sa toplim ljetima i vlažnim zimama. Linija koja razdvaja južni i sjeverni region nalazi je prostor visokih planina, visoravni, kotlina i klisura u kome prevladava tipična planinska klima. U ovom prostoru zime su hladne, ljeta s vježa sa povećanim intenzitetom padavina koje su ravnomjerno raspoređene tokom godine, dok se temperaturna kolebanja smjenjuju sa pora-stom nadmorske visine.

Umjereno kontinentalna klima, se rasprostire u prostoru sjeverne Bosne i dolinama srednjih tokova Une, Sane, Vrbasa, Bosne i Drine od Višegrada.

Ljeta su topla. Prosječna temperatura vazduha najtoplijeg mjeseca (jula) svuda je između 20°C i 22°C, dok su zime većinom umjereno hladne. Prosječna temperatura najhladnijeg mjeseca (januara) kreće se od -1°C do -2°C. Prosječna godišnja temperatura je veća od 10°C. Jesenje i proljetne temperature su ujednažene. Ljetne apsolutne temperature mogu porasti do 40°C, a zimske apsolutne minimalne mogu pasti i do -35°C. Prosječne godišnje količine padavina se kreću od 700 mm na istoku do 1 500 mm na zapadu. Vjetrovi su rijetki i slabi, a kada se pojave pretežno dolaze iz sjevernog i sjeverozapadnog pravca.

Planinska klima zauzima središnji planinski prostor naše zemlje. Ovaj tip klime najviše je izražen u okolini planina Oštrjelja, Travnika, Sarajeva i Foče. Odlikuje se svježim i kratkim ljetima, hladnim i snježnim zimama. Prosječne januarske temperature se kreću od -3,5° do -6,8°C, a julske od 14,8° do 16,9°C. Apsolutne minimalne temperature su od -24° do -34°C, apsolutne maksimalne od 30° do 36°C. Izuzetak su kotline u kojima se javljaju temperaturne inverzije. Takva mjesta su poznata kao mrazišta; jedno od njih nalazi se i na planini Igman, gdje je 25. januara 1963. izmjerena minimalna temperatura od -43,5°C. Termička kolebanja kreću se od 20° do 21°C. Jesen je toplija od proljeća. Padavine su ravnomjerno raspoređene i kreću se oko 1 200 mm. Magla je česta i ima je u svim mjesecima. Pokrivenost neba oblacima je veća od 50%.

Mediteranska klima je zastupljena u niskoj i visokoj Hercegovini. Stoga razlikujemo dva tipa mediteranske klime.

Područje niske Hercegovine, kojem odgovara donji tok Neretve sa okolnim kraškim poljima nižim od 1 000 m nadmorske visine: to su Ljubuško, Imotsko-bekijsko, Mostarsko i Stolačko. Ovakav tip klime niske Hercegovine proizilazi iz činjenice što je njen prostor pod direktnim uplivom morskog vazduha. Jadransko more tokom zime zrači u okolni prostor nagomilanu toplotu tokom ljeta, pa su zimske temperature znatno povišene. Prosječna januarska temperatura u Mostaru je 4,6°C, Stocu 4,3°C, Ljubuškom 4,7°C. Ljeti je uticaj Jadranskog mora zanemariv, zbog kretnjačkih stijena, koje kad se zagriju mijenjaju temperaturu ovog područja. Ljeta su veoma suha i vruća. Kolebanja temperature se kreću od 20° do 21°C. Jesen je toplija od proljeća. Srednje apsolutne minimalne temperature se kreću od -4,9° do -8,7°C, dok apsolutne minimalne padaju i do -17°C. U ovom području bura je dominantna, uz smjene sa južnim vjetrom. Najmirniji mjesec je oktobar, a februar najvjetrovitiji. Najkišovitiji mjesec je oktobar, sa 200 mm padavina u prosjeku. Snijega skoro i da nema. Godišnja količina padavina se kreće od 1 000 do 1 500 mm.

Izmijenjena mediteranska klima zahvata područje visoke Hercegovine. U ovom višem hercegovačkom i jugozapadnom planinskom području klima se približava planinskoj, ali sa mediteranskim obilježjima. Temperatura vazduha opada sa porastom nadmorske visine i udaljenošću od mora. Za svakih 10 km udaljenosti od mora temperatura opada od 0,6° do 0,8°C. Zime su oštre sa apsolutnim minimalnim temperaturama od -14° do -25°C. Prosječne januarske temperature se kreću od -1,8° do -6°C. U prsjeku apsolutne maksimalne temperature mogu porasti i do 40°C. Kao i u niskoj Hercegovini jesen je toplija od proljeća, ali su temperaturna kolebanja povećana. Godišnje u ovom prostoru vjetrovi padne i do 1 800 mm padavina. Bura je najizraženija u zimskom periodu i veoma jaka na prevojima. Oblačnost je povećana u odnosu na nisku Hercegovinu.

Odgovor:KLIMA BOSNE I HERCEGOVINE

Poslao sandro - 18.03.08 17:16

Odlučan tekst...drago mi je da se neko dosjetio ovoga...svaka čast:laugh:

=====

Odgovor:KLIMA BOSNE I HERCEGOVINE

Poslao GORAN - 18.03.08 17:17

Thanks;)

Prosjeène temperaturene vrijednosti i rekordi za Donji Lug.
<http://vrijemedlug.files.wordpress.com/2008/01/klimadl.jpg>
<http://vrijemedlug.files.wordpress.com/2007/11/untitled.jpg>

Jel imaš ti kakvih podataka za Jajce?

=====

Odgovor:KLIMA BOSNE I HERCEGOVINE

Poslao sandro - 18.03.08 17:23

Imam nesto podataka...dobio sam i iz FMZBiH, a imam i dosta svojih...posto su u Jajcu dvije stanice;) Postaviæu to dok naðem vremena:)

=====

Odgovor:KLIMA BOSNE I HERCEGOVINE

Poslao GORAN - 18.03.08 17:26

E super, baš me zanima kakve su prosjeène temperature u Jajcu, posebice apsolutni i minimalni extremi.

=====

Odgovor:KLIMA BOSNE I HERCEGOVINE

Poslao sandro - 19.03.08 05:39

Evo podataka za Jajce...za period od 1961.-1990.god

<http://img329.imageshack.us/img329/5797/22171597pf1.jpg>

Ipak od 1990. se promijenilo dosta stvari:

apsolutni maximum izmjeren 19.07.2007.god. i iznosi 39,4 °C,
najniža martovska temperatura 02.03.2005. godine i iznosila je -18,4 °C,
maksimum za juni 37,0 °C , izmjereno 25.06.2007.godine
najviša januarska temperatura je 20 °C, takoðer 2007.godine
najviša augustovska temperatura je 39,0 °C, izmjereno 23.08.2007.godine

Inaèe,najniža temperatura u Jajcu je izmjerena 1893.godine i iznosila je -27,0 °C.
Najveæa visina snježnog pokrivaæa je 77 cm i to u februaru 1963. godine,
najviše kiše za 24 sata je palo 20.oktobra 1991.god. - 90 mm,
najjaæi udar vjetra je izmjeren 27.02.1990.godine i iznosio je 30,5 m/s ili 109,8 km/h.
najveæa mjeseèna kolièina padavina je 293 mm, u oktobru 1974. godine.

Nadam se da je dovoljno;)

=====

Odgovor:KLIMA BOSNE I HERCEGOVINE

Poslao Tekla - 19.03.08 11:34

mene zanima koliko je bih hladnije od hrvatske u gledu godisnjeg prosjeka??

=====

Odgovor:KLIMA BOSNE I HERCEGOVINE

Poslao majena - 25.04.08 19:58

<http://img167.imageshack.us/img167/2096/scan0001zz8.jpg>

ali kako je sandro naveo u prethodnom postu "klima se mijenja"

=====